

Wachakalcarta, Pablo lelpox, Tesalónica paklowaxpijiwliajwa

Pablo lelpox carta, Silvano suapich, Timoteo suapichbej, Tesalónica paklowaxpijiwliajwa

1 Xan Pablo, Silvano suapich, Timoteo suapichbej, lelpox carta, xamal Jesús pejwujajan naexasitampimliajwa, Tesalónica paklowaxpijwamliajwa. Waj-ax Dios, wajpaklon Jesucristobej, xamal japi pejiwam. **2** Xanal Dios kawujajnax, Jesucristobej, japi xamal xabich kajachawaesliajwa, chiekal duilaliajwambej, asew jiw suapich.

Dios kastikaxaelpox jiw, babijaxan ispi, Cristo wejme pask wut

3 Takoew, xamal Dios xanaboejampox kaesful. Asew jiw nej-xasinkampox kaesfulbej. Samata, xanal Dios kawujajnax wut, jum-an: “Gracias-an, xam jasoxtat kajachawaesfulam xot Tesalónica paklowaxpijiw” —an Diosliajwa xamalliajwa. **4** Xamal xabich nabijatam wut asew jiw pijaxtat, kofa-emil Dios xanaboejampox. Samata, xanal xabich nejchachaemlax xamalliajwa. Samatabej, asapaklowaxanpijiw, naexasiti Jesús pejwujajan, chapaeix japoxliajwa. **5** Xamal Dios chiekal xanaboejam xot, puexa jiw pajut chiekal matabija, Dios puexa ispoخان xabich chiekal pachaem. Samata, xamal pasaxoemch Dios tato'alxotse, ampathatat xabich nabijasfulam xot.

6 Japi jiw xabich babijaxan is xot xamalliajwa, Dios kastikaxaespi. **7** Amwutjel xamal nabijatampim, me-ama xanal, ja-ampim. Nabijataspoxan toep wut, kaes nabijasaxisal, wajpaklon Jesús fuloek wut athulelsik, ángeles suapich, xabich mamnikpi.

Japi fúloek wút, fúlaeyaxoeki tamdadusaxtat. **8** Wajpaklon Jesús fúloek wút, kastikaxaelon jiw, naexasis-elpi Dios. Kastikaxaelbejpon naexasis-elpi chimiawúajan, wajpaklon Jesucristo pejwúajan. **9** Japi pomatkoicha kastikaxaes. Atúaj pelsaxaesbejpi Dios pejwúajnalel. Japon Dios, xabich mamnikpon, tapaeyaxilbejpon japi japonxotse pasliajwa. **10** Wajpaklon fúloek wút, japamatkoi, puexa naexasiti Jesús pejwúajan jùmchiyaxael japonliajwa: “Xam xabich pachaemam” —chiyaxaeli. Japi xabich sitaeyaxaelbej Jesús. Xanal naewúajnax wút Jesús pejwúajan, xamalbej chiekal naexasitam. Samata, xamalbej asamatkoi Jesúsxotaxaelam.

11 Samata, xanal Dios kawúajnax xamal pachaemaliajwam, me-ama Dios nejxasink. Dios kawúajnaxbej xamal japon kaja-chawaesliajwa, puexa pachaempoxan isasiam wút isliajwam, naexasitam xot Jesús pejwúajan. **12** Japoxan isam wút, puexa jiw jùmchiyaxael chimiajamechan wajpaklon Jesúsliajwa. Ja-am wút, a sew jiw xamal sitaeyaxael, Dios, wajpaklon Jesucristobej, xamal kajachawaet xot.

Babekolan matxoela pasaxaelpox, Jesucristo pejme pasliajwa wút

2 Takoew, wajpaklon Jesús pejme pask wút, xatis naktamejjaxaelon. Xanal lelx ampo xamal matabijaliajwam. Jesucristo pasliajwa wút, majt asaxan jachiyaxael. **2** Aton jùm-aech wút: “Xan matabijtax Espíritu Santo pijaxtat. ¡Jesús pasklison!” —aech wúton, ¡japon aton nabej naexasis! Asan aton jùm-aech wútbej: “Xan tajut taenx Jesús. ¡Japon pasklison!” —aech wúton, ¡japon atonbej nabej naexasis! Asan aton jùm-aech wútbej: “Pablo carta naxto'a xanliajwa. ¡Jesúspilis pask!” —aech wúton, ¡japon atonbej xamal nabej naexasis! **3** Japoxan jiw jùm-aech wút, ¡xamal chiekal taem Jesús pasaxaelpoxliajwa xamal naekichachajbasamatapi! Mox pawúajna wút Jesús pasliajwa, xabich jiw kofaxael naexasitpox Dios pejjamechan. Japi jiw Dios padaelmajiw nadofaxael. Japamatkoi kaen, babekolan, pasaxael. Japon babekolan asamatkoi Dios xabich kastikaxaeson. **4** Dios padaelmanaxaelon. Nejweslaxaelbejpon Dios. Japonbej nejweslaxael asaxan, jiw kawúajanpoxan. Japon leyaxael Dios pejtemploba. Jaxot nosaxaelon pejtua-ekax jiw tato'laliajwa, Dios pejtemplobatat. Do ja-aech wút, pajut najùmchiyaxaelon: “Xan Diosnan” —nachiyaxaelon xabich jiw naekichachajbaliajwa.

5 Xamalxotx wut, chajia jum-an japon babejkolan pasaxael-poxliajwa. ¿Xamalkat nejkiowam, jum-an wut japoxliajwa? **6** Xamal chiekal matabijam, Dios tapae-el babejkolan pasasamatafuk. Dios markpox, matkoi, pat wut, jawut japon babejkolan pasaxael. **7** Ampamatkoiyan jiw xabich kaes babijaxan is. Pefuk babejkolan pasaxilfuk. Dios tapaeis wut, jawut babejkolan pasaxael babijaxan isliajwa. **8** Babejkolan tapaeis wut pasliajwa, japon pasaxael. Do jawux, wajpaklon Jesús pask wut, jiw taeyaxael Jesús pijax pamamax. Do jawut, Jesús kaefulaxtat matkaelaxaelon babejkolan. **9** Japon babejkolan ampathatat wutfuk, xabich kajachawaesaxaeson Satanás puexa jiw taeliajwa babejkolan pejpamamax. Samata, babejkolan nejmachkoexaxan isaxael xabich jiw naekichachajbaliaw. **10** Isaxaelbejpon xabich babijaxan jiw naekichachajbaliaw. Japon pijaxtat xabich jiw napelsaxael Diosliajwa, naexaxis-el xoti Jesús pejwujajan, diachwujajnakolaxpox, Dios bu'welija. **11** Samata, Dios tapae-yaxael babejkolan jiw naekichachajbaliaw. Jiw naexaxisaxael naekichachajbaspoxan. **12** Samata, puexa japi jiw Dios kastikaxaes, naexaxis-el xoti diachwujajnakolaxpox. Japi jiw asbuan jumch nejchachaemil, isful wut babijaxan.

Dios makanotpox Tesalónica paklowaxpijw, japi bu'welija. wapon

13 Takoew, Dios that is-el wutfuk, Dios chajia nejchaxoel xamal makanosliajwa japon pejiwaliajwam, bu'welija. wabejpon xamal. Naexasitam xot Dios pejjamechan, diachwujajnakolax Dios pejiwam Espíritu Santo pijaxtat. Samata, xanal Dios kawujajna. wut, Dios gracias-an xamalliajwa. **14** Dios xamal makanot japon pejiwaliajwam. Samata, Dios xanal nato'a xamal naewujajnalija. wanj chimia. wujajan, Jesús pejwujajan, Dios xamal bu'welija. Ja-an wut, xamal naexasitam japawujajan. Samata, duilaxaelam, Jesucristo suapich, Diosxotse.

15 Samata, takoew, ¡Dios chiekal naexaxisfulde! ¡Nabej nejkiowe! naewujajna. xpox, Jesús pejwujajan! ¡Nabej nejkiowe! bej xanal tajut naewujajna. xpoxan, naewujajna. xpoxan bej cartanxot! **16** Wajpaklon Jesucristo, waj-ax Diosbej, japi naknejxasink. Nakkajachawaetbejpi xatis wajlewlasamatas. Nakkajachawaetbejpi xatis wujajna. wesliajwas wajpaklon Jesucristo pasliajwa athulelsik. **17** Xanal Dios kawujajna. xamal

kaes Dios xanaboejalijawam. Dios kawuajna xbej puexa xamal jum-ampoxan pachaemalijwa, isfulampoxanbej.

Pablo to'apox Tesalónica paklowaxpijiw Dios kawuajnalijwa japonlijaw

3 Takoew, kaes lelaxaelen ampox xamallijaw. ¡Dios kawuajande xanallijaw, jiw naewuajna x wut chiekal naewuajnalijwan! ¡Dios kawuajandebej, xanal jiw potuajna x naewuajna x wut kamtalejen jiw chiekal naexasislijaw Jesús pejuwajan, me-ama xamal kamta naexasitam, jachilijwabej japi jiw! **2** ¡Dios kawuajande japon xanal natataeflaliaw, jiw babejchow babijaxan isasamata xanallijaw, puexa jiw naexasis-el xot Jesús pejuwajan! **3** Pe nakiowa, Dios nakkajacha-waesaxael. Dios kajachawaesaxael xamal kaes xanaboejalijawam japon. Dios tataeflaxaelbej xamal malechasamata, Satanás xapaeja wut xamal. **4** Xanal nejchaxoelx xamallijaw: “Tesalónica paklowaxpijiw Dios kajachawaesaxaes. Samata, japi puexa isaxael xatis tato'laspoxan” —an xanal, nejchaxoelx wut xamallijaw. **5** Xanal Dios kawuajna xamal kajachawaeslijawpon asew jiw nejxasinkalijawam, me-ama Dios nejxasink xamal, jachilijawam xamal asew jiwlijaw. Dios kawuajna xbej, xamal nabijatam wut japon kajachawaeslijaw. Me-ama Cristo nakiowa Dios naexasisful, nabijat wut, xamalbej ja-amsfulde!

Jesús pejuwajan naexasiti nabichaxaelpox pajut natataeflaliaw

6 Takoew, xanal lel x wut, jum-an wajpaklon Jesucristo pijaxtat. Aton, naexasitpon Jesús pejuwajan, kiwechan wut nabichlijaw, ¡japon atonxot xamal nadijim, naexasis-el xoton xanal naewuajna x! **7** Xamal chiekal matabijam, ma-an xanal, xamalxot duilx wut. Ja-an xanal, xamalbej matabijalijwan chiekal duilalijawam. Xamalxotan wut, tajut nabistax wuajslilijwan nawewe'ppoxan. **8** Xamalxotan wut, malech naxaeyaxan wuljoe-enil. Wuljowx wut, xatamotx. Naewuajna-enil wut, tajut nabistax matkoi, madoi wutbej, plata kanalijwan, kaen xamalxot xanal nawewe'ppoxan nawemosasamata. **9** Wajpaklon Jesús xanal natapaei xamal wuljoelilijwan nawewe'ppoxan, xamal naewuajna x wut japon pejuwajan. Pe nakiowa, wuljoe-enil xamal. Xanallax tajut nabistax,

xamalxotan wut, xamalbej najut nabichliajwam wuajsliajwam xamal wewe'ppoxan. **10** Xamalxotan wut, jum-an: “Aton kiwela wut nabichliajwa, ijapon nej xae-ele!” —an xan. **11** Xanal wultaenx xamalxot asew nabich-elpox. Pomatkoicha japi jiw asbuan jumch mathun. Nabichaxaelpi itsalti asbuan jumch. **12** Jasi jiwliajwa wajpaklon Jesucristo xan nato'a jumchiliajwan: “jJapi jiw pajut nej nabich wuajsliajwa wewe'paspojan!” —chiliajwan.

13 Takoew, jnabej kofe' isliajwam pachaempoxan asew jiwliajwa! **14** Jiw naexasis-el wut xan lelxpox carta, ijapi suapich, nabej nanuams! Ja-am wut, japi jiw pajut padalaxael. **15** jPe xamal nabej nejchaxoele' japi jiwliajwa: “Japi jiw tadaelmajiw” —nabej aeche', nejchaxoelam wut! jAsbuan jumch chiekal naewuajande, japi naexasit xot Jesús pejwuajan!

Pablo amxot kitoesaxaelpox lelpox

16 Wajpaklon Jesucristo nakkajachawaet chiekal duilaliajwas. Dios kawuajnax xamal pomatkoicha chaliajwapon, kajachawaesliajwabej xamal chiekal duilaliajwam nejmachtuajnuchanxot.

17 Xan Pablo, ampxo tajut lelx xamal saludaliajwan. Ja-an, xan kaenanula cartan lelxot. Tajwulbej jaxot lelx xamal puexa chiekal matabijaliajwam xan xato'axpox. **18** Xan wajpaklon Jesucristo kawuajnax puexa xamal kajachawaesliajwa.